

Sarajevo, 16.12.2022. godine

Univerzitet u Sarajevu
Organizacionim jedinicama/fakultetima

Predmet: Poziv za studente/ice Univerziteta u Sarajevu - „Liga za ravnopravnost“

Poštovani dekane/dekaneso,

obraćam Vam se molbom da studentima/studenticama Vaše organizacione jedinice prosljedite poziv za učešće u projektu „Liga za ravnopravnost“ koji realizira organizacija Balance. Balance je organizacija koja je osnovana sa misijom da svima omogući bavljenje sportsko-zabavnim aktivnostima, u svrhu osiguranja aktivnog i zdravog načina života, a sa namjerom podizanja stepena zdravlja i kvaliteta življenja. U sklopu svog djelovanja, Balance organizira sportske aktivnosti, ali istovremeno djeluje i kroz obrazovno, kulturne, zdravstvene, odgojne i druge aktivnosti, u skladu sa općedruštvenim razvojem i politikom obrazovanja, zdravlja, kulture i sporta u Bosni i Hercegovini.

Detaljnije o projektu „Liga za ravnopravnost“:

- Cilj Projekta je osnažiti studentsku populaciju u području rodne ravnopravnosti i prevencije seksualnog i rodno zasnovanog uznemiravanja kroz sportske aktivnosti.
- Plan je da sportske timove čini 50% studentica i 50% studenata Univerziteta u Sarajevu, a prema organizacionoj jedinici na kojoj studiraju. Broj članica/članova tima nije ograničen.
- Minimalan omjer igračica/igrača jednog tima na terenu, u svakom trenutku, mora biti 3:3 – prema pravilima i propozicijama takmičenja. Dakle, ukupan broj igračica/igrača na terenu, za oba tima, je 12, a svaki tim broji 3 studentice i 3 studenta.
- Žrijebom, koji će se obaviti **05.01.2023. godine** ili ranije (u slučaju ispunjavanja planirane kvote timova za prijave) u prostorijama Fakulteta sporta i tjelesnog odgoja Univerziteta u Sarajevu, 16 timova će biti podijeljeno u četiri grupe po četiri tima.
- Prolazak u narednu fazu turnira, nakon završene grupne faze u kojoj će svaki tim odigrati po 3 utakmice, ostvarit će prva dva tima iz svake grupe po plasmanu (bodovanje će biti određeno pravilnikom).


- Žrijebom, koji će se obaviti nakon grupne faze, odlučit će se parovi četvrtine finala, polufinala i finala.
- Utakmice će se igrati vikendima **počevši od 07.01.2023 godine**. Kompletan raspored, satnica, kao i lokacije održavanja bit će dostupni na Balance web stranici – www.balance.ba.
- Studentice/studenti sa jedne organizacione jedinice mogu prijaviti samo jedan tim po sportu. Dakle, jedan fakultet može imati max. 3 tima prijavljena (jedan tim za nogomet/futsal, jedan tim za košarku i jedan tim za odbojku).
- Iste studentice/studenti se mogu prijaviti za više sportova. Dakle, jedna studentica ili student mogu biti prijavljeni i za nogometni/futsal tim, košarkaški tim i odbojkaški tim.
- Za sve timove je osigurana sportska oprema, tj. markeri/dresovi.
- Rok za prijave timova će biti otvoren do **30.12.2022 godine ili do popunjavanja slobodnih mjesta po sportu** – 16 različitih timova po sportu.
- **Učešće je besplatno!**
- Studenti i studentice se ohrabruju da se prijave na volonterski rad u sklopu Projekta. Svoju prijavu za volontiranje mogu obaviti putem mail adrese: info@balance.ba sa subjektom maila – Volontiranje na projektu „Liga za ravnopravnost“.
- Poseban poziv na animiranje studenata i studentica, koji pripadaju grupama koje su marginalizirane, kao što su: osobe sa invaliditetom, nacionalne manjine, socijalno ugrožene i slično, da budu dio Projekta kao članovi/članice tima ili kao volontere/volonterke

Unaprijed Vam se zahvaljujemo na distribuciji poziva studentima/studenticama.

U prilogu emaila se nalazi poster pozivnica za učešće u Projektu.

S poštovanjem,

Rukovoditeljica Ureda za podršku studentima


Prof.dr.Lejla Kafedžić